

Cuid 3:

An tástáil tiomána



Conas iarratas a dhéanamh ar thriail tiomána

Nuair atá na coinníollacha uile a luadh i gCuid 1 agus 2 do shealbhóirí cead foghlaimeora comhlíonta agat agus treoracha faighte agat, an chéad chéim eile ná iarratas a dhéanamh ar thriail tiomána.

Má tá sé ar intinn agat iarratas a chuir isteach sa phost, is féidir foirm iarratais a fháil ó stáisiún na nGardaí nó Oifig Mhótarchánach ar bith. Seol an fhoirm chomhlíonta, mar aon le seic do tháille na tástála, chuig:

An Rannóg um Thástáil Tiománaithe
An tÚdarás um Shábháilteacht ar Bhóithre
Tithe an Rialtais, Béal an Átha, Co. Mhaigh Eo.
Glaó-Áitiúil: 1890 40 60 40

Má tá sé ar intinn agat iarratas a chuir isteach ar líne, féach www.drivingtest.ie.
Beidh ort cárta creidmheasa nó dochair (Laser) a bheith in aice lámhe agat chun an táille a íoc.

Is féidir tuilleadh sonraí a fháil faoin tástáil, lena n-áirítear táillí, trí teagmháil a dhéanamh leis an tÚdarás um Shábháilteacht ar Bhóithre nó trí féachaint ar www.drivingtest.ie.

Tabharfaidh an tÚdarás um Shábháilteacht ar Bhóithre Clár de Theagascóirí Tiomána Formheasta isteach. Molfar do thiománaithe traenála uile teagasc a fháil ó Theagascóirí Tiomána Formheasta.

CUIMHNIGH

Chun dul faoi Thriail Tiomána, **caithfidh** Cead Foghlaimeora a bheith agat a chlúdaíonn an catagóir inar mian leat go dtriailfí thú. **Caithfidh** Cead Foghlaimeora a bheith i do sheilbh ar feadh 6 mí ar a laghad sula nglacann tú an triail tiomána.